



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1000. Usque Ad Annum 1063

Fleury, Claude

August. Vind. [u.a.], 1761

VD18 90117956

§. 24. Concilium Lemovicense. S. Martialis.

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

Sæculum XI. compescendis privatis bellis, & pace fir-
A.C. 1031. manda actum.

§. XXIV.

Concilium Lemovicense. S. Martialis.

Feria V. decima octava ejusdem mensis
 Novembris anno 1031. Lemovici ce-
 lebratum est Concilium, cui, Aimone
 Archiepiscopo præsidente, interfuere
 Episcopi novem, videlicet illi quinque, qui
 in Concilio Bituricensi federant, & præ-
 terea Jordanus Lemovicensis, Isember-
 tus Pictaviensis, Arnaldus Petricoriensis,
 Roho Engulismensis. Jordanus Episco-
 pus primæ Sessioni initium dedit, con-
 questus, quod viri potentes Sæculares
 Ecclesiam quietam esse non sinerent, pau-
 peres affligerent, & pacis conditiones re-
 cipere recusarent. His auditis omnes
 Episcopi uno ore dixerunt; perturbato-
 res Ecclesiæ Anathematis censura dignos
 esse. Tunc Odolricus Monasterii S. Mar-
 tialis Lemovici Abbas, qui juxta Episco-
 pum sedebat, vestibus Sacerdotalibus or-
 natus, surgens in medio Episcoporum,
 ait: *Rogo te, venerabilis Episcope! ut
 priusquam de aliis rebus conferatur, Qua-
 stio de Apostolatu S. Martialis, nam pro-
 pter hanc causam ego & vos hoc Concilium
 congregari curavimus, decidatur.* Jor-
 danus Lemovicensis Episcopus addidit:
Cum ista veritas primum a Papa & de-
inde

inde in Concilio Bituricensi in capite bu- Sæculum XI.
jus mensis Novembris, me absente, celebra- A.C. 1030.
to approbata fuerit, ita etiam volo, ut
modo me præsentem S. Martiali Apostola-
tus honor asseratur, & lis omnis in hoc
tertio Judicio tollatur.

Engelricus Canonicus Ecclesiæ Ani-
cienfis*, qui apprime eruditus habeba- * du Puy.
tur, exurgens dixit: Infinita indoctissi-
morum hominum multitudo negat, eum
esse Apostolum, quia non est unus ex duo-
decim. At S. Hieronymus affirmat, quod
omnes, qui Dominum in carne viderunt,
& ejus Evangelium postea prædicarunt,
fuerint Apostoli appellati, atque illi, quos Philipp. 2.
Apostoli ordinarunt, quales fuere Epa-
phroditus, Silas & Judas. Tum allatus
est in Concilium Commentarius S. Hie-
ronymi in Epistolam ad Galatas, & ver-
borum veritas explorata.

Azenarius deinde Abbas Masciacen-
sis & Floriacensis, qui Archiepiscopum
Bituricensem comitabatur, dixit, quod
in Palatio & in omnibus Franciæ Mona-
steriis S. Martialem semper inter Aposto-
los nominari audivisset, sed quod, acce-
pta a Roberto Rege hac Abbatia in Ter-
ritorio Bituricensi, ibi contrariam con-
suetudinem reperisset, quam mox ampu-
tasset. Cum enim, subjunxit, olim Jero-
solymam profectus fuisset, in Sabbato Pen-
tecostes audivi, quod Græci in suis Lita-
niis

Hist. Eccles. Tom. XIV.

R

niis

Sæculum XI. *niis S. Martialem inter Apostolos recita-*
 A.C. 1031. *rent.* His Odolricus Abbas S. Martialis

S. Martialis
 Apostolus.

Limovici adjecit: *Olim cum in Monaste-*
rio S. Benedicti in Francia, Magistro Sa-
pientissimo Abbone, artibus liberalibus im-
buerer, inveni, ibi vigere consuetudinem
S. Martialis nomen inter nomina Aposto-
lorum recitandi. Idem sub Gauselino ejus
Sucessore observabatur. Sed Rege Ro-
berto adhuc inter vivos agente, cum Hugo
Antecessor meus Parisiis in Regia versa-
retur, altercatio inter Francos & Lemovi-
censes hac de re exorta est, cui ego tunc
interfui. Dicebant isti: vos Franci male
S. Martialem Apostolorum ultimum no-
minatis, nos eum melius Confessorum pri-
imum recitamus. Gauselinus Archiepi-
scopus Francorum opinionem defende-
bat, dicens, oportere S. Martialem inter
Apostolos venerari, virum ex genere
 p. 873 *Abrahæ secundum carnem natum, SS.*
Petro & Stephano consanguinitate jun-
ctum, Domini Discipulum, a Petro ju-
bente Christo baptizatum, a Jesu Chri-
sto in die Ascensionis suæ ordinatum, &
ab eodem, postquam S. Spiritum cum
Apostolis in Die Pentecostes accepisset,
in Gallias missum. Hæc assertio Archi-
episcopi assensu Regis præsentis cetero-
rumque omnium approbata.

Hic perspicimus fundamentum Opi-
 nionis illorum, qui S. Martiali Apostola-
 tum

tum asserere volebant. Nimirum cir- Sæculum XI.
cumferebatur Historia ipsius vitæ, no- A.C. 1031.
men Aureliani ejus Discipuli præferens,
in qua omnia illa facta narrantur. Sed
ea Historia omnibus ante Sæculum de-
cimum ignota fuit, eademque hodie ab
omnibus eruditis apocrypha esse cogno-
scitur. Nihil de S. Martiali magis explo- *Greg. I. hist.*
ratum habemus, quam pauca, quæ Gre- *Franc. c. 31.*
gorius Turonensis de ipso literis manda- *Glor. Conf.*
vit; scilicet in Galliam cum S. Dionysio *27. Sup. lib.*
aliisque primis Episcopis circa annum du- *VI. c. 49.*
centesimum quinquagesimum a Papa mis- *Tilm. tom. 4.*
sum, Episcopum Lemovicensem fuisse,
Evangelium magno animarum Bono præ-
dicasse, tandem Confessorum numero fu- *Conc. p. 874.*
isse adscriptum & honoratum.

Interea Geraldus Abbas Monasterii
Solemiacensis in Synodo Lemovicensi
assurgens dixit: *Antiquissimi Codices pe-
nes nos sunt, qui testatum faciunt, Mar-
tiale Apostolum nominari; verum cre-
scente paulatim socordia virorum Eccle-
siasticorum in Confessorum seriem detru-
sus est a credentibus, ipsum magis honora-
ri, si primus Confessorum, quam ultimus
Apostolorum diceretur.* Eruditus quidam
Clericus Engolismensis inter alia dixit:
*Cum ante annos complures duo Monachi
de monte Sinai, docti & pii, quorum al-
ter Simeon, alter Cosmus vocabatur, ad nos
divertissent, quasi vi, an Orientales Chri-*

Sæculum X.
A.C. 1031.

p. 878.

p. 887.

p. 890.

stiani S. Martialem novissent. Responderunt ambo, scire se ipsum fuisse Apostolum, & ex septuaginta duobus Discipulis unum. Plures alii hac de re in Concilio verba fecerunt, summatim antiquos Codices & antiquam traditionem, sed nullum tempus certum adducentes, & illis Actis S. Martialis innixi, de quorum auctoritate dubitare tunc nemini in mentem veniebat. Post longas de eadem materia disceptationes Aimò Archiepiscopus Bituricensis dixit: Diebus ab hinc quindecim jussimus in Concilio Bituricensi recitari Joannis Papæ Epistolam, ad omnes Episcopos Galliarum missam, quam omnes viri docti præsentis, atque etiam illud, quod vos modo statuistis, approbarunt. Tum Jordanus Episcopus Lemovicensis ea retulit, quæ in Concilio anni 1029. acta fuerant, omnibusque in unam sententiam concedentibus, surgunt Episcopi Missam in Ecclesia S. Salvatoris, nam in Ecclesia Cathedrali S. Stephano Sacra congregati erant, celebraturi. Archiepiscopus Bituricensis, rogatus ab Episcopo Lemovicensi, Officium Divinum decantare cœpit, & post primam Orationem alteram de S. Martiali Apostolo adjecit.

§. XXV.